


0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26


deli

浙字02260122号 No.6230
得力集团有限公司



浙江圖書館

4186



浙江圖書館



浙江圖書館



浙江圖書館

樂城集卷第五

詩六十六首

次韻子瞻吳中田婦歎

久雨得晴唯恐遲
既晴求雨來何時
今年舟楫委平地
去年簑笠爲裳衣
不知天公請怨怒
棄置下土塵
與泥丈夫強健
四方走婦女齷齪
將安歸榻然四壁
倚機杼收拾遺粒
吹糠粃東鄰十日營
一炊西鄰誰使救
汝饑海邊唯有鹽
不旱賣鹽連坐收
嬰兒傳聞四方同
此若不關東海誅
孝婦

次韻子瞻遊道場山何山



兩山相負爲峯麓流水重重注溪谷遊人上尋流水
源未覺崎嶇病雙足山深下視雲漫漫徑垂石底千
屈盤松林陰森白日靜忽驚人世如奔湍客行不避
苦寒出僧定端居不下席人生嗟與草木同置身所
在由初植堂中白佛青髻髮氣象冲淡非人間坐令
遠客厭奔走徑欲築室依空山木魚根根夜將旦星
斗欹斜掛山半行役有程未可畱將出山門復長歎
癸丑二月重到汝陰子瞻寄二首

憶赴錢塘九月秋同來穎尾一扁舟退居尚有三師
在好事須爲十日畱傾瀉向人懷抱盡忠誠爲國始

終憂重來東閣皆塵土
淚滴春風自不收
百頃西湖十里源
近依城郭帶川原
古臺駢駢先臨
水野寺參差半掩門
遠泛便成終日醉
幽尋不盡數
家園錢塘未到能先說
更看青山兩岸屯

次韻子瞻二月十日雪

春雪漫天密又稀
勾芒失據走靈威
故欺貧窶冬裘
蓋巧助遨遊
酒盞飛林下
細花添百草
堦前輕素剪
新機老農先解憂
桑柘九月家人當授衣

和子瞻題風水洞

風送江湖滿洞天
洞門可聽入無緣
土囊鬱怒聲初

散石齒聳牙勢未前樂奏洞庭真跌宕歌傳帝所亦
清便何人隱几觀遺韻重使顏成問嗒然

次韻子瞻新城道中

春深溪路少人行時聽田間耒耜聲飢就野農分餉
黍迎嫌尉卒鬧金鉦閑花開盡香仍在白酒沽來壓
未清此味暫時猶覺勝問况何日便歸耕

次韻子瞻山村五絕

山行喜遇酒旗斜無限桃花續杏花與世浮沉真避
世將家漂蕩似無家

腔間白水細煎聲日暖泥融草不生似恐田家忘帝

力多差使者出催耕
旋春紅稻始經鑣
新煮黃雞取次舐
無慕無營人自
樂莫將西子愧無鹽
升平事業苦忽忽
未信浮名到底空
何用崇馳朝塞
外試聽碌軸語場中
貧賤終身未要羞
山林荆處偏堪愁
近來南海波尤
惡未許乘桴自在遊

次韻子瞻遊富陽普照寺

塵埃日已遠
斗數更無餘
寺到逢門入
詩成信手書
山深僧自樂
路遠客終踈
訪盡前朝景
七年一告予

次韻子瞻自普照入山獨遊二庵

披榛入山山路細鐘聲出寺門將閉石苔冉冉上芒
鞋草露溥溥著衣袂野人茅茨苦竹屋終身局促無
生計天公未省長困人春田米盡秋田繼老妻稚子
亦自樂野草山花還插髻長笑人間醉未醒終老辛
勤漫欺世

次韻子瞻與蘇世美同年夜飲

晚歲事遊宦相從未嘗足羨君四海皆兄弟棧中直
木不容曲臨安老令况同科如逢豈厭樽中醪潦倒
誰憐澗底松歲寒尚有霜前竹聞道渠家入丈夫宅

日歸耕免幽獨

次韻子瞻病中遊虎跑泉僧舍二首

掃地關門松檜香
僧家長夏亦清涼
公庭多事久來厭
靜處安眠計甚長
脩竹填窓藤簟綠
白蓮當戶石盆方
香厨晚飮紅饅熟
忽憶烹雞田舍嘗

澗谷新晴草木香
野情消散自生涼
雨添山色翠將溜
日轉松陰晚更長
病客獨來唯有睡
遊僧相見亦它方
還家煩熱都消盡
不信醫王與藥嘗

和子瞻東陽水樂亭歌

君不見武安前堂立曲旃
官高利厚多憂患
又不見

樂坊集 卷五 四
夏侯好妓貧無力簾箔爲衣人莫識兩人操行雖不
同辛苦經營實如一不如君家激水石中流聽之有
聲百無憂笙竽窈眇度溪谷琴筑淒咽穿林丘高人
處世心淡泊衆聲過耳皆爲樂退食委蛇石上眠幽
音繼續床前作正如古人樂易多歡娛積土爲鼓塊
爲桴但能復作太古意君家水樂真有餘

次韻子瞻有美堂夜歸

飲闌鐘虛欲移軒香霧猶殘金博山明月飛來松嶺
外遊人散落馬蹄間城巖盡鼓初傳角路暗山花自
落鬢清境暫時都不見夜深人靜始來還

次韻子瞻祈雨

世故紛紛誰復閑
蛟龍不雨獨安眠
人間已厭三秋旱
澗底猶慳一掬泉
廟令酒殺時醉飽
田家糠粃久安便
憂心未已誰知卹
更把爐香試一燃

次韻子瞻再遊徑山

我兄東南遊我亦夢
甲去徑山聞已熟
徃意穿雲霧
夢經山前溪足冷
忽先渡舉頭雲峯合
到寺霜日莫
香厨饌巖藪野徑踏
藤屨平生共遊處
蹇足躡高步
崎嶇每生胝眩晃
屢回顧何年棄微官
攜手衆山路

得此詩後夢與兄同
游山中故為此篇

王仲儀尚書挽詞

謝公德業久彌新
幼度英奇也絕倫
父子俱賢真不
朽功名自致豈相因
邊兵屢動思良將
廷論蕭條憶
諍臣青史世家他日事
新茅宿草倍沾巾

次韻范景仁侍郎移竹

雙檜生南戶叢均種北墻
交陰奉君子爲伴老中堂
露洗秋堦綠風含夏簟涼
栽花知己誤新上一番霜

寄題蒲傳正學士閤中藏書閣

朱欄碧瓦照山隈
竹簡牙籤次第開
讀破文章隨意
得學成富貴逼身來
詩書教子真田宅
金玉傳家定

糞灰更把遺編觀得失君家舊物豈須猜

自陳適齊 戲題

庠齋三歲最無功羞愧宣王祿萬鍾猶欲談經每
信相招執籥便須從陳風清淨眠真足齊俗疆梁慙
不容久爾安閑長自怪此行磨折信天工

送董揚休比部知真州

癸課西南最分符江海衝往來觀惠術蟠錯試餘鋒
文字從此案尊壘疆辭容金山只隔水時復聽晨鐘

送排保甲陳祐甫

我生本西南爲學慕齊魯事東諸侯結綬濟南府

誰言到官舍旱氣裂后土飢饉費困倉剽奪驚桴鼓
緬焉禮義邦憂作流亡聚君來正此時王事最勤苦
驅馳黃塵中勸說野田父穰穰百萬家一一連什伍
政令當及期田高貴安堵篇乘忽言西劬勞共誰語
送韓祗嚴戶曹得替省親成都

宦遊東土暫相依政役頻煩會合稀每侍詳明容老
病不堪羈旅送將歸思親道改寧論遠入蜀山河漸
覺非我有舊廬江水上因君聊復夢魂飛

和孔教授武仲濟南四

音

環波亭

南山迤邐入南塘北渚岩堯枕北墻過盡綠荷橋斷
處忽逢朱檻水中央鳥鷺聚散湖光淨魚鼈浮沉瓦
影涼清境不知三伏熱病身唯要一藤床

北渚亭

西湖已過百花汀未厭相携上古城雲放連山瞻嶽
麓雪消平野看春耕臨風舉酒千鍾盡步月吹笳十
里聲猶恨雨中人不到風雲飄蕩恐神驚

鵲山亭

築臺臨水巧安排萬象軒昂發瘞埋南嶺崩騰來不
盡北山斷續意尤佳平時戰伐皆荒草永日登臨慰

病懷更欲留詩題素壁坐中誰與少陵偕

檻泉亭

連山帶郭走平川伏澗潛流發湧泉
洶洶秋聲明月夜蓬蓬曉氣欲晴天
誰家鵝鴨橫波去日暮牛羊飲道邊
滓穢未能妨潔淨孤高每到一依然

踏藕

春湖柳色黃宿藕凍猶僵
翻沼龍蛇動撐船才角長
清泉浴泥滓粲齒碎冰霜
莫使新梢盡炎風翠蓋涼

和李誠之待制燕別西湖

并叙

熙寧六年九月天章閣待制李公自登州來守此

熙寧六年九月天章閣待制李公自登州來守此
邦愛其山川泉石之勝怡然有久留之意此邦之
人安公之惠亦欲公之久於此也然自其始至而
民知其方將復用懼其不能久矣明年二月詔書
移牧河間邦之父兄皆惜其去雖公亦將留焉而
不可得也於是數與其僚燕於湖上曰北方幸安
余將復老於此酒酣賦詩以別從而作者三人公
平生喜爲詩所至成編及來此邦而未嘗有所爲
故尤貴之遂相與刻於石以慰邦人之思焉

東來亦何恃夫子此分符談笑萬事畢樽壘衆客具
高情生遠岫清興發平湖坐使羈遊士能忘歲月徂

縱歡真樂易恨別不須史廟幄新謀帥河間最近胡
安邊本餘事清賞信良圖應念茲園好流泉海內無
送李誠之知瀛洲

少年學詩書晚歲探至道豈伊封疆臣乃是廊廟寶
苦恨富貴遲聲名得空早憶惟西羌桀始建元戎纛
恩威炳朝日號令靡秋草功勳不容究孤高易摧倒
歸來易三邦但養胷中顛寧知北邊將還須用耆老
春風吹旌旆先聲迥城堡往事安足懲遺黎待公保

西湖二詠

捕觀漁

西湖不放長竿入羣魚空作淘河食漁人攘臂下前
汀蕩漾清波浮兩腋藕梢菱蔓不容網箔作長圍徒
手得逡巡小舟十斛重踊躍長魚一夫力柳條穿頰
洗黃金鱠縷堆盤雪花積燒薤香橙巧相與白飴青
蔬耳莫逆食罷相携堤上步將散重製葉家白人生
此事最便身金印垂腰定何益

食雞頭

芡葉初生縹如縠南風吹開輪脫轂紫苞青刺攢蝟
毛水面放花波底熟森然赤手初莫近誰料明珠藏
滿腹剖開膏液尚模糊大盃磨聲風雨速清泉活火

曾未久滿堂坐客分升掬紛然咀嚙惟恐遲勢若群
雛方脫粟東都每憶會靈沼南國陂塘種尤足東遊
塵土未應嫌此物秋來日嘗食

次韻孫推官朴見寄二首

解慍未能憂悄悄得閑時復醉昏昏知君亦學無言
語豈悟維摩不二門

病懶近來全廢學宦遊唯是苦思鄉粗知會計猶堪
仕貪就功名有底忙懷舊暗聽秋鴈過夢歸偏愛曉
更長故人知我今何念擬向東山賦首章

送張正彥法曹

憶見君兄弟相攜謁侍郎通經誇早歲落筆盡成章
試劇何風發當官便激昂三年知力竭大府覺才長
知己未如格歸貲纔滿囊舊書還讀否師說近淒涼

君以三傳及
第今廢此科

送青州簽判俞退翁致仕還湖州

不作清時言事官海邦那久復盤桓早依蓮社塵緣
少新就草堂歸計安富貴暫時朝露過江山故國水
精寒臣遊從此知多事收取楞伽靜處看

和青州教授頓起九日見寄

歲月飄然風際煙紫萸黃菊又霜天莫思太室杉松

外且醉青州歌舞前昔年與頌君同登高頂時正重九杯酒追歡真

一夢天涯回望正三年近來又欲東觀海聽說毛詩

雅頌篇君善講詩

題徐正權秀才城西溪亭

竹林分徑水通渠直與幽人作隱居溪上路窮惟畫

舫城中客至有罾魚東來只為林泉好野外從教鐘

領疎不識徂徠石夫子兼因女壻覓遺書徐生石介女壻也

和子瞻喜虎兒生浙

生男如狼猶恐厄寅年生虎慰爺孃汝家家世事文

史門戶豈有空剛強識看猛虎在山谷斧牙鉤爪旗

尾揚徐行當道擇牛羊
狐狸驚走熊者忙
我今老病思退藏
生子安得尚激昂
不見伯公擅文章
遂巡議論前無當

次韻子瞻病中贈提刑段繹

京東分東西中劃齊魯
半兄來本相從路絕人長冀
前朝使者還手把新詩
玩憐我又別離卷帙爲舒散
誰言窮陋邦得此唱酬
伴相逢傾蓋間晤語何旦旦
宦游少娛樂纏縛苦文案
能於王事餘時作楚詞亂
臂如近膏油未肯忘濯盥
賢豪真勉漁功業畏遼緩
伊余獨何爲舊籌西南
賁竊祿未遑歸自笑嗟已懦

方當四海寒戀此一寸炭主勸各欲留逡巡要奪館
奈何獨見收軟語強溫暖此意定難酬遠予受子粲

次韻子瞻賦雪二首

麥苗出土正纖纖春已寒官令尚嚴雲覆南山初半
嶺風乾果毋盡成鹽來時瞬息平吞野積久歎危欲
敗簷強付酒樽判醉熟更尋詩句鬪新尖

點綴偏工亂鵠鴉澹留亦解惱船車乘春已覺矜餘
力騁巧時能作細花直馬墮鴟誰得罪敗墻破屋若
為家天公愛物遙憐汝應是門前守夜义

是歲京師雪尤甚

鷓鴣凍死如積

次韻帝宗弼太祝送遊太山

羨君官局最優游，笑我區區學問囚。
今日登臨成獨往，終年勤苦粗相酬。
春深綠野初開繡，雲解青山半脫裘。
回首紅塵讀書處，煮茶留客小亭幽。

次韻劉敏駿丞送春

春去堂堂不復追，空餘草木弄晴暉。
交遊歸鴈行將盡，蹤跡鳴鳩懶不飛。
老大未須驚節物，醉狂兼得避危機。
東風雖有經旬在，芳意從今日日非。

四月十一日立夏一

次韻趙至節推首夏

自夏尋芳也未遲，逸園紅紫尚菲菲。
無心與物真皆

可有酒逢人勸莫違夢逐楊花無限思身慙啼鳥不
如歸官居寂寞如僧舍海燕憐貧故入扉

次韻李昭叙供備燕別湖亭

池亭雨過一番涼雲髻羅裙客兩旁不覺行人離恨
遠貪看積水照筵光滿堂樽俎歡方劇極目江湖意
自長歸去伊川瀟洒地不須遺念屬清相

送李昭叙移黎陽都監歸洛省親

與君非舊識傾蓋便相親共事林泉郡忘歸南北人
煮茶流水曲載酒後湖潯未覺遊從厭空驚別恨新
瀕河今重地知已舊元臣洛下聞雞大家書不泮旬

西還倚門罷北渡羽書頗忠孝傳家事風流待一振

遊太山四首

初入南山

自我來濟南經年未嘗出不知西城外有路通石壁
初行澗谷淺漸遠峰巒積翠屏互舒卷耕耨隨歌側
雲木散山阿逆旅時百室茲人謂川路此意屬行客
久遊自多念忽誤向所歷嘉陵萬壑底棧道百迴屈
崖巘遞崢嶸征夫時出沒行李雖云艱幽邃亦已劇
坐緣斗升米被此塵土厄何干道褒斜長嘯理輕策

四禪寺

山蹊容車箱深入遂有得古寺依巖根連峯轉相揖
樵蘇草木盡佛事亦蕭瑟居僧麋鹿人對客但羞蒞
雙碑立風雨八分存法則云昔義靖師萬里窮西域
華嚴貝多紙歸來手親譯蛻骨儼未移至今存石室
遺文盡法界廣大包萬億變化浩難名丹青畫京邑
粲然共一理眩晃莫能識末法漸衰微徒使真人泣

靈巖寺

青山何重重行盡上囊底巖高日氣薄秀色如新洗
入門塵慮息盥漱得清泚高堂見真人不覺首自稽
祖師古禪伯荆棘昔親啓人跡尚蕭條豺狼夜相舐

白鶴導青泉甘芳勝醇醴聲鳴青龍口光照白室陞
尚可滿畦塍豈惟濯蔬米居僧三百人飲食安四體
一念但清涼四方盡兄弟何言庇華屋食苦當如薺

嶽下

東來亦何求聊欲觀海岱海西尚千里將行勇還退
岱陰即齊疆南徃曾歷塊春深草木長山暖冰雪消
中巷無居人南畝釋耕耒車徒八方至塵空百里內
牛馬汗淋漓綺紈聲綵繡喧闐六師合洶湧衆流匯
無復問誰何但自舍耽愛龍鸞畫車服貝玉飾冠佩
驂騶蹴騰騫幡旆飛掩曖腥羶及魚鼈瑣細或蒲菜

遊墮愧無齋技巧窮殊態縱觀騁未已精意殫一酌
出門青山屯澆廊遺迹昧登封尚壇壝古觀寫旗隊
戈矛認毫末舒卷分向背雍容太平業磊落豐碑在
往事半蓬蒿遺氓但悲慨回瞻最高峯遠謝徂徠對
欲將有限力一放目所迨天門四十甲預恐雙足廢
三宿遂徘徊歸來欲誰對前年道轅轅直上嵩嶺背
中休強飲食莫宿時盪類稍知天宇寬不覺人寰穢
感時未云久筋骸老雖再山林無不容疲苶坐自礙
自知俗緣深畢老守闌闌何當御清風不用卑馬載

送王璋長官赴真定孫和甫辟書

昔年旅南服始識王荊州感動千里肅恩寬行客留
從容見少子風采傾凡儔溫然吐詞氣已覺清且脩
不見十五年相逢話百憂青衫走塵土白髮各滿頭
新棄東海邑願從北諸侯北鄙事方夥飢饉連戈矛
盟好未可輕念當事懷柔主將今老成勉盡良計籌

寄孫朴

憶昔補官太皞墟泮宮蕭條人事疎日高鼾睡聲噓
噓往還廢絕門無車君爲戶曹畏簡書放懷踈懶亦
似余相逢語笑夜躊躇烹煮梨栗羞殺蔬官居一去
真蘧蘆東來失計悔厥初夜聞桴鼓驚閭閻事如牛

毛費耘鋤違失真性從史胥目視終臂邀徐徐美君
不出心自如北潭秋水多芙蓉青荷包飴蒲爲沮條
然陶徃深淵魚人生如此樂有餘胡爲自攸檻中狙

和韓宗弼暴雨

書

執熱卧北窓淋漓汗流注蛟龍遁水府誰起叩天戶
偶然終日風振擾北山霧崩騰轉相軋變化不容睹
雷聲過車轂雨點傾豆黍逡巡溜可漢指頤纔笑語
破屋少乾床茅苦回難禦出門泥没足此厄比鄰溥
苟令終歲熟敢有今日怒晚照上東軒清風襲虛廡
微生免荷鋤但喜脫煩暑農父更事多缺塘已擗土

舜泉復發

變變清波舊逸城
旱來泉眼亦塵生
連霄暑雨涼初
接發地春雷
夜有聲復理溝渠
通屈曲重開池沼
放澄清通衢細灑
浮埃淨車馬歸來
以晚晴

次韻徐正權謝示閔子朝記及紙

西溪秋思日盈牋
幕附拘愁學父騫
記廟終慙無孑
句酌墳猶喜有前篇
先生作祭閔子文
屏除筆硯真良計
爲寄交遊畏妄傳
吳紙贈君君莫怪
耕耘廢罷有閑田

張文裕侍郎挽詞

持節西南二十年
華堂遺像已蒼然
歸來待從二朝

舊老去雍容平地仙落筆縱橫題壁處誦詩清壯舉
杯前東遊邂逅迎歸旄淚落城南下馬阡

東方書生行

東方書生多愚魯閉門誦書口生土窓中白首抱遺
編自信此書傳父祖辟雍新說從上公冊除漢射酬
元功太常子弟不知數日夜吟諷如寒蟲四方窺覘
不能得一卷百金猶復惜康成穎達棄塵灰老聃瞿
曇更出入舊書句句傳先師中途欲棄還自疑東鄰
小兒識機會半年外舍無不知乘輕策肥正年少齒
踈脣腐真堪笑是非得失付它年眼前且買先騰蹕

送韞宗弼

大野將凍河水微慨然臨流送將歸登舟上帆手一
揮脫棄朋友如弊衣我來三見芳草腓來時同寮今
已非念昔相從未嘗違西湖幽遠人事稀青蓮紫芡
傾珠璣白魚掉尾黃鱖肥客醉將起命闔扉方橋月
出風露霏星河下照搖清輝喧呼笑語相嘲譏歲月
一逝空長歎交遊去盡將誰依君家漢代平與韞藹
然令德傳餘徽鳴鳩著地鴻高飛安得久此同繫鞅

送劉長清敏

汝州太守卧病年疊疊猶復能清言平生雄辯嗟不

見風流尚有曹州存歷下東遊少相識歡喜聞君在
西邑舊知兄弟無凡儔相逢一笑開顏色三年政令
如牛毛思歸南畝皆蓬蒿羨君飲酒動論斗引觥向
口收狂潮醉後曾中百無有偃然嘯傲傾朋曹中朝
卿士足官府君歸何處狂歌謔劉原甫自長安
病歸余始識之
汝尚將歸吳興齊州記室蘇子由辱詩爲送
因逐韻謝之云

釋屨從軍蚤濫官已衰能復尚盤桓爾來齒髮羞相
問乞有衡茅覓自安使我襟懷遺內熱誦君詩句襲
人寒知誰便是知音者且作巖溪雪景看

人寒知誰便是知音者且作巖溪雪景卷

高祖即中頃蒙以御史召力辭不允解組

而歸先生作詩以送之高祖溪室集中

亦嘗賡和淳熙丁未徽假守筠陽謹刊篇末

浙江圖書

樂城集卷第五

浙江圖書館

樂城集卷第六

詩一百首

題張安道樂全堂

館

天命無不全人事每自傷譬如摩泥珠宛轉有餘光
藻飾不能加塵垢豈有亡世人未嘗識姑射手自將
我公體自然率性非勉強驅馳四十年不入憂患場
晚歲事蒙養歛退就此堂小儒豈知道宿昔窺門牆
申屠師無人無足亦自忘如逢鄭執政一笑先生傍
和鮮于子駿益昌官舍八詠

桐軒

桐身青琅玕桐葉蒲葵扇落落出軒墀亭亭奉閒燕
夜聲踈雨滴午影微風轉秋飈一凌亂浙瀝驚葱蒨
朝日失繁陰青苔覆遺片空使坐中人慨然嗟物變

竹軒

書

幽軒離紛華惟有一叢竹纖梢起餘寒紫筍散輕馥
擢幹春雨餘挺節秋霜足不知歲時改守此媚媚綠
上有吟風蟬空腹未嘗食翦伐非所辭不受塵土辱

栢軒

浙

室築城市間移栢南澗底山林夙所尚封植聊自寄
峒嶇脫巖石擁塞出焚翳上承清露滋下受寒泉惠

秋來采霜葉咀嚼有餘味苦澁未須嫌愈久井如薺

巽堂

山前三秦道車馬不遑息日出紅塵生不見青山色
峯巒未嘗改往意自奔迫誰言幽堂居近在使者宅
俯聽辨江聲却立睨石壁藤蘿自太古松竹列新植
暑簟卧清風寒樽對佳客試問東行人誰能同此適

山齋

平地厭喧囂虛齋上山足蕭條遠城市坡陁富林麓
間書日填委杖屨每幽獨豈無山中士高卧白茅屋
逢人默無語長嘯響巖谷此室庶可招夜月相從宿

閑燕亭

登山稍已高曠望良亦遠危亭在山腹物景行自變
諸峰宿霧收草木朝陽絢盎盎雲出山溜溜泉垂坂
徐行得佳處永日遂忘返此樂只自知傍人任嫵懶

會景亭



亭高衆山下勝勢不自收岡巒向眼盡風籟與耳謀
鳶飛半嶺息雲起當空遊視身如乘風超然忘百憂
暮歸室中居唯見窓戶幽視聽隨物變恍誰識其由

寶峯亭

昔過益昌城莫登君子堂駕言念長道未暇升崇岡

昔過益昌城莫登君子堂駕言念長道未暇升崇岡
今聞寶峰上縹緲陵朝陽三休引蘿蔓一覽窮蒼茫
微雲靄雙劍落日明故鄉奔馳迹未安山藪意自長
漂搖萬里外手把新詩章宦遊不念歸何異鳥欲翔
塵土汗顏面年華侵鬢霜何時首歸路所至聊徬徨
樽俎逢故人亭榭凝清光爲我具斗酒宿恨猶可償
次韻分司南京李誠之待制求酒二首

世上升沉都夢裏春來疆徼鬪罅前公田種秫全拋
却坐客無羶誰與錢

春深風雨半相和節物令人意緒多中酒何須問賢
聖和詩今尚許羊何

送施歷城辯歸常州

高人不受塵土侵三年浙江藏何深久閑物理有相
復歷城官事森成林乘時歛散逐十二鞭撻逋負徒
哀矜一杯相屬未嘗得百畝歸去將安能潛逃雖出
知者後黽勉尚見仁人心歸期忽告三月尾強留不
顧千黃金河豚雖過鱸鱖在梗稻正插風雨淫酒肴
勞苦整隣里期會迫隘思僚朋山川云越我所愛扁
舟佗日要追尋滯留未用便相詫半年歲月行駸駸
施君旣去復以事還戲贈
令尹西行去又廻西湖重把舊樽壘吏民再見雞棲

乘獨道吾公挽不來

和文與可洋州園亭三十詠

湖橋

館

湖南堂宇深湖北林亭遠不作過湖橋兩處那相見

橫湖

湖裏種荷花湖邊種楊柳何處渡橋人問是人間否

書軒

綠竹覆清渠塵心日日踈使君遺癖在苦要讀文書

水池

水深水亦厚滉蕩鋪寒玉好在水中魚何愁池上驚

竹塢

空陂放脩竹肅肅復冥冥
莫除塢外筍從使入園生

荻雨

離披寒露下蕭索微風羈
摧折有餘青從橫未須束

蓼糞

風高蓮欲衰霜重蓼初發
會使此池中秋芳未嘗歇

望雲樓

雲生如涌泉雲散如翻水
百變一凭欄悠悠定誰使

天漢臺

臺高天漢近匹練掛林端
秋深霜露重誰見落西山

待月臺

夜色何蒼蒼月明久未上不上倚城臺無柰東南嶂

二樂榭

動靜惟所遇仁智亦偶然誰見二物外猶有天地全

灑泉亭

泉來草木滋泉去池塘滿委曲到庭除清冷備晨盥

吏隱亭

隱居亦非難欲少求易遂有意未成歸聊就茅簷試

霄筠亭

沐高日氣薄竹色淨如水寂歷斷人聲時有鳴禽起

無言亭

處世欲無言事至或未可如有此亭空燕坐聊從我

露香亭

重露覆千花繁香凝畦圃不忍日將晞散逐微風上

涵虛亭

虛亭面踈篁窈窕衆景聚更與坐中人行尋望來處

溪光亭

溪亭新雨餘秋色明滉漾鳥渡夕陽中魚行白石上

過溪亭

溪淺復通橋過者猶恨懶懶有沙上鷗常爲獨遊伴

披錦亭

春晚百花齊繇繇巧如織細雨洗還明輕風卷無迹

禊亭

觴流無定處客醉醒還酌毋令仲御歌空使人驚愕

菡萏軒

開花濁水中抱性一何潔朱檻月明時清香爲誰發

茶蘼洞

倚倚翠蔓長藹藹繁香足綺席墮殘英芳樽漬餘馥

簞簞谷

誰言使君貧已用谷量竹盈谷萬萬竿何曾一竿曲

寒蘆港

蘆深可藏人下有扁舟泊正似洞庭風日莫孤帆落

野人廬

野人三四家桑麻足生意試與叩柴荆言辭應有味

此君庵

風消逸簷匝霜幹當窓淨遙知素壁上醉墨森相映

與可墨竹冠絕今在

金橙逕

葉如石楠堅實比霜栝大穿逕得新苞令公憶鱸膾

南園

官是勸農官種桑亦其所安得陌上人隔葉攀條語

北園

使君美且仁遍地種桃李豈獨放春花行看食秋子

次韻吳興李行中秀才見寄并求醉眠亭詩

二首

才堪簿領更無餘贏得十年閑讀書寵辱何須身自

試窮愁不待酒驅除故人歸去無消息佳句新來屢

卷舒前日使君今在此不妨時復置雙魚

李公擇吳興移齊南

右和見寄

是非一醉了無餘唯有胷中萬卷書已把人生比蘧

傳更將江浦作階除欲眠賓客從教去倒卧氍毹豈
暇舒京洛舊遊真夢裏秋風無復憶鱸魚

右醉眠亭

和子瞻玉盤盂二首

東武蘇莒公家園中千葉
白芍藥子瞻新為此名

千葉團團一尺餘揚州絕品舊應無賞傳莒國遷鍾
屣移憶胡僧置鉢盂叢底留連傾鑿落餅中捧擁照
浮屠強將絳蠟封紅萼憔悴無言損玉膚

故相林亭父老知出羣草木尚何疑無多產業殘花
藥幾許功名舊鼎彝豐艷不知人世別佳名新換使
君詩明年會看花尤好剥盡浮苞養一枝

寄題密州新作快哉亭二首

車騎崩騰送客來，奔河斷岸首頻回。
鑿成戶牖功無幾，放出江湖眼一開。
景物爲公爭目致，登臨約我共追陪。
自矜新作超然賦，更擬蘭臺誦快哉。

檻前滌水去泔泔，洲渚蒼茫煙柳勻。
萬里忽驚非故國，一樽聊復對行人。
謝安未厭頻攜妓，汲黯猶須卧理民。
試問沙囊無處所，于今信怯定非真。

贈馬正卿秀才

男兒生可憐，赤手空腹無一錢。
死喪三世委平地，骨肉不得歸黃泉。
徒行乞丐買墳墓，冠幘破敗衣履穿。

矯然未肯妄求取耻以不義藏其先辛勤直使行路
泣六親不信相尤愆問人何罪窮至此人不敢尤其
怨天孝慈未省鬼神惡兄弟寧有木石頑善人自古
有不遇力行不廢良謂賢書

答文與可十首

圖

遠遊旣爲東魯遷居又愛南山齒髮自知將老心懷
且欲偷安

舜井溢流陌上歷山近在城頭羈旅三年忘去故園
何日歸休

野步西湖綠縵晴登北渚煙縣蒲蓮自可供腹魚蟹

何嘗要錢

飲酒方橋夜月鉤魚畫舫秋風冉冉荷香不斷悠悠
水面無窮

雨過山光欲溜寒來水氣如烝勝處何須吳越隨方
亦有遊朋

揚雄執戟雖久陶令歸田未能眼看雲山無奈神傷
簿領相仍

終歲常親鞭朴此生知負詩書欲尋舊學無處時有
故人起予

故人遠在江漢萬里時寄聲音聞道禪心寂寞未廢

詩人苦吟

佳句近參風雅微
詞間發離騷竊欲比君庾
信莫年詩賦尤高

相思欲見無路滿
秋西歸有時及君鈴閣少事飲我
松醪滿卮

次韻李公擇寄子瞻

青蒲一下復東來
擁扇西風滿面埃
擊柝自營何擇地
鋪糟同醉未須回
孤高振鷺瞻初下
淡泊嬰兒及未孩
我亦漂流家萬里
年來羞上望鄉臺

次韻李公擇以惠泉答章子厚新茶二首

無錫銅瓶手自持新莖顧渚近相思故人贈答無千
里好事安排巧一時塵眼前成聲未老兔毛頭看色
尤宜槍旗雋到齊西境更試城南金線竒金線泉在齊州
新詩態度藹春雲肯把筌章妄與人性似好茶常自
養交如泉水久彌親唾濃正想羅聲發食飽尤便粥
面勺底處翰林長外補明**年**誰送雪溪春

和李公擇赴歷下道中雜詠十二首

泛清河

南北無多水崎嶇未捨船何待好霖雨是處有通川
墳壠看書卷興亡指道邊蒼茫半秋草猶復較愚賢

將至桃園阻淺且風不得進

卷帆倚棹淺河津憶泛長江步步新未免生涯寄風
浪不堪舟楫委埃壘往來欲就沙囊堰深淺時看舉
策頻一望雲霓百變集應思平地隱居人

桃園阻淺將易小舟一夜水大至復乘便風

頃刻百里

此生與物妄相仇欲往長嫌苦見留淺瀨何知向人
惡漲溪豈復爲公流兩痕忽到工催客風信初來轉
打頭舉目汀洲都未改忽添清興滿行舟

下邳袁石公廟

圯下相逢南北人三邀不勸識天真十年印見沒

圯下相逢南北人三邀不勸識天真十年却見穀城
下羽翼同收一夢身

宿遷項羽廟

尺箠西來隴畝中驅馳力盡衆兵衝舊封徇守君臣
義故國長修俎豆容平日軍聲同破竹少年心事喜
摧鋒錦衣眷戀多鄉思肯顧田家社酒濃

呂梁

出岷懸流雖有道憑陵險地本無心未能與物都無
礙咫尺清泉亦自深

梁山泊 次顯

延通泝泗麻鹽熟遠控江淮粳稻秋粗免塵泥汗車
 脚莫嫌菱蔓繞船頭謀夫欲就桑田變客意終便書
 舟遊愁思錦江千萬里漁蓑空向夢中求
詩議者等
乾此泊以

種板
交

梁山泊見荷花憶吳興五絕

南國家家漾綠艫芙蓉遠近日微明梁山泊裏逢花
 發忽憶吳興十里行

終日舟行花尚多清香無奈着人何更湏月出波光
 淨卧聽漁家蕩槳歌

行到平湖意自寬繁花仍得就船看回頭却向吳儂

說從此遠游心未闌

說從此遠遊心未闌

花開南北一般紅路過江淮萬里通飛蓋靚粧迎客
笑鮮魚白酒醉船中

菰蒲出沒風波際鴈鴨飛鳴霧雨中應爲高人愛吳
走故於齊魯作南風

次韻李公擇九日見約以疾不赴

七年逢九日杯滬逐莠豪漸老經秋病恁醒何處
床頭添藥裹坐上減牛毛寂寞知誰問煩公置濁醪

喜雪呈李公擇

秋來早已久雪至亦不薄沉沉夜未眠救救聲初落

霏微入疎戶，眩晃先朱閣。披衣視喜動，魚屋始驚愕。
晨起犯清寒，繁陰看溟漠。溟喬林凍相倚，隙瓦乾猶爍。
孤村掩圭竇，深逕沒芒屨。平野恣汗漫，四山增犖嶮。
晚色滉斜曷，林光粲相錯。氛埃一清蕩，疫癘解纏紉。
寒蔬養春芽，宿麥布公脚。官居亦何賴，歲事信所託。
迺幸一飽剽，盜止羣惡無。事乘自多有，酒庶可酌。
戎行今不义，公到時方咍。豐穰識天意，暇詠可前約。
飧厨雖無餘，賓客甚易諾。行須酒壺倒，莫待陰雲剥。
次韻范郎中仰之詠雪

倉廩未應空，長天霰雪濛。瓊瑤布地淨，組練出師雄。

雲閣諸峯遍，花繁百草同。農謠麥麥龍，小客難不也。

雲閣諸峯遍花繁百草同農諶麥壠外客興酒杯中

聚散占風力消^中驪驗藥功歷城西北易起石遠遊聊

自喜三見歲時豐

次韻李公朝著作見贈二首

遠客徒為爾江邊有故丘汀洲信廣大鳧鴈任漂浮
好事時携酒歸心久倦遊還鄉定衰老朋友肯相收

又

稽古終無力伏衰謾有方故人憐困躓佳句贈輝光
未暇抽身去安能插翅翔空存踈懶性高卧笑羲皇

惠穆吕公挽詞二首

全齊開故國清廟饗元功德業真無忝勲名但未充
邊防推信惠社稷倚勤忠不作司徒貴何慙鄭武公

又

風俗非平昔賢豪棄此時新阡長宿草行路拜豐碑
惠術遐方此嘉猷信史知悲涼哭墳客不為受恩私

次韻蔣夔寒夜見過

都城廣大漫如天旅人騷屑誰與歡北風號怒屋無
瓦夜氣凝冽冰生繁雪聲旋下白玉片燈花暗結丹
砂丸叩門刺啄驚客至吹火倉卒憐君寒明時未省
有遺棄高論自笑終汗漫識君太學嗟歲久至今客

台猶泥蟠正如惟悴入籠鶴坐見催客去

舍猶泥蟠正如憔悴入籠鶴坐見摧落凌風翰明朝
尚肯過吾飲有酒不盡行將酸

次韻王鞏迂評招飲

炳憶故鄉同越舄性安出野似禪甚都城歲晚不歸
去客舍夜寒猶獨吟樽酒憐君偏好客詩篇寄我謬
知音會須雪裏相從飲履迹旋平無處尋

雪中會孫洙舍人飲王氏西堂戲成三絕

新歲逼人無一日殘冬飛雪已三迴百分琥珀從君
勸十里瓊瑤走馬來

南國高人真巨源華堂邂逅接清樽十年一見都如

夢莫怪終宵語笑喧

傾盡香醪雪亦明
東齋醉卧已三更
佳人不慣生疎
客未盡清歌宛轉聲

雪中呈范景仁侍郎

羈遊亦何樂
在此賢主人
東齋暖且深
高眠不知晨
開門驚照曜
舞雪方繽紛
繁雲覆庭廡
落勢一何勻
霏霰本無着
積壘巧相因
萬類忽同色
九衢淨無塵
園林屏組練
觀闕堆瓊珉
蟲書散鳥足
縞帶翻車輪
遠遊浩千里
欲出迷四隣
誰言助春農
亦善欺客貧
賴我古君子
高談吐陽春
當方庇華屋
豈憂未求薪

次韻景仁丙辰除夜

數舉除夜酒稍消少年豪浮光寄流水妙理付濁醪
微陽未出土大雪飛鵝毛試問冰霜劫春來能久牢

次韻景仁招宋溫之職方小飲

高人兩無事相見輒傾懷時以酒相命何妨心自齋
燈期飛雪亂春候苦寒垂不就頽然醉難堪風且霾
次韻景仁飲宋溫之南軒二首

白髮迎新歲皤然國老更感時能細說對酒任徐行
畫軸高分品詩詞妙入評踈狂先醉倒應許恃鄉情

又

飲闌餅已罄話久僕須更高會良難得危言豈易行
歸休便老計得失任臺評猶有青編在它年不世情
次韻景仁正月十二日訪吳鎮寺丞二絕
夜雪滿庭雞失晨瓊田早出不驚塵急須卷凍鋪黃
道飲看燈山萬萬人

淘醪時飲十分杯萬象溟濛曉氣皚醉倒藍輿夜歸
去金吾寧後識誰哉

柳子玉郎中挽詞二首

晚歲抽身塵土中瀟山仍乞古仙宮羞將白髮隨馮
叟欲就丹砂繼葛洪龍虎未能留物化芭蕉久已悟

身空騷人欲作招蒐賦蟬蛻疑非世俗同
新詩錦繡爛成編醉墨龍蛇灑未乾共首卜居空舊
約宛丘攜手憶餘歡風流可見身如在鄉國全歸意
所安行到都門送君處長河清淚兩沈瀾

贈淨因臻長老

十方老僧十年舊燕坐繩床看奔走遠遊新自濟南
來滿身自覺多塵垢煖湯百斛勸我浴驪山滾滾泉
傾竇明窓困卧百緣絕此身瑩淨初何有清泉自清
身自潔塵垢無生亦無滅振衣却起就華堂老僧相
對無言說南山采菌軟未乾西園擷菜寒方茁與君

學坡集 卷六 十六
飽食更何求一杯茗粥傾銅葉

次前韻答景仁

儒林談道亦云舊遠自太史牛馬走區區分別意何
爲擾擾祇添心上垢道大如天不可測異出同歸各
穿竇浩然一水散千漚却觀彼我曾無有我丈中心
冰玉絜世上浮雲盡灰滅終年行道自不知笑指空
門名異說此心未信道不生石上下種何由茁道在
起居飲食中安問胡僧分五葉

遊城西集慶園

送客城西客已遠歸路北池接南苑冰澌片斷水光

浮柳線和柔風力輕縹緲朱戶

浮柳線和柔風力軟繚牆朱戶誰家園流水平畦春
日淺禁河分溜一池足洛面移化百金賤飛甍斤斧
聲未絕翠栢栽培影初遍傍人笑指高臺處前年商
見瓦榛滿金錢力奪天地功歲月未多風物換人生
富貴無不成都門坐置山林觀暖風遲日時一到早
出莫歸應未晚主人最貴稀出城長使憧憧路人看

遊景仁東園

新春甫驚蟄草木猶未知高人靜無事頗怪春來遲
肩輿出東郊輕裘試朝曦百草抱生意喬松解寒姿
尺書招友生冠蓋溢通達人生瞬息間幸此休暇時

濁酒滄浮蟻嘉蔬薦柔蕘春來莫嫌早春去恐莫自
公卿多王事田野遂我私松筠自擁蔽里巷得遊嬉
隣家並侯伯朱門地芳菲畦花被錦繡庭檜森旌旗
華堂絢金碧壘觀凝煙霏髣髴象宮禁蕭條遠喧卑
徐行日一至何異已有之都城閉門早衆客紛將歸
甜楊返照下歸騎紅塵飛但卜末日歡未與清夜期
人散衆踟絕庭空星斗垂安眠萬物外高世良在茲

樂城集卷第六

欒城集卷第七

詩五十六首

次韻子瞻送范景仁遊高洛

尋山非事役行路不應難
洛浦花初滿嵩高雪尚寒
平林抽凍筍奇艷變山川
節物朝朝好肩輿步步安
醪醖釀臘酒首肯薦朝盤
得意忘春晚逢人語夜闌
歸休三黜柳賦詠五噫鸞鶴老身仍健鴻飛世共看
雲移忽千里世路脫重難
西望應思蜀東還定過韓
平川清涉穎絕頂上封壇
出處看公意令人欲棄官

送蔣夔赴代州教授

憶遊太學十年初，猶見胡公豈弟餘。
遍閱諸生非有道，最憐能賦似相知。
青衫共笑方持板，白髮相看各滿梳。
暫免百憂趨長吏，勉調三寸事新書。

次韻宿州教授劉涇見贈

此身雖復類潛夫，衰老無心強著書。
道路不知奔走賤，交遊空恠往還踈。
弦歌更就三年學，簿領唯添一味愚。
它日相逢定何處，莫將文采笑空踈。

徐州送江少卿

浙

夜雨泗河深曉日，輕舟發帆開送客。
遠城轉高臺沒，居人求瞻望歸意。
何倉卒公來初無事，豐歲多逢麥

鈴閣度清風芳罇對佳客登臨未云厭談笑方自適
朝廷念鷲老府寺虛清劇何以寄風流江山遠官宅

次韻子瞻寄眉守黎希聲

眼看狂瀾倒百川孤根漂蕩水無邊思家松菊荒三
逕回首謳歌沸二天簿領沉迷催我老春秋廢格累

公賢隣居屈指今誰在一念傷心十五年

轍昔侍先人於京師

并希聲隣居大李前是時公之亡兄也二亡姪皆在
今十五年而在者唯公與僕二人言與派派

和李邦直學士泝山祈雨有應

宿雪雖盈尺不救春夏旱吁嗟徧野天不聞歌舞涌
宵龍一戰旋開雲霧布旌旗復遣雷霆助舒卷雨聲

一夜洗塵埃流入溝河朝不見但見青青黍與禾老
農起舞行人歌汗邪滿車尚可許供輸到骨期無它
水行天地有常數歲歲出入均無頗半年分已微枯
槁及秋更恐變滂沱誰能且共蛟龍語時布甘澤無
庸多

陪子瞻遊百步洪

城東泗水平如席城頭遠山銜落日輕舟鳴榔自生
風渺渺江湖動顏色中洲過盡石縱橫南去清波頭
盡白岸邊恠石如牛馬銜尾舳艫誰敢下没人出沒
須臾閒却立沙頭手足乾客舟一葉又未上吳牛回

首良閒闊風波蕩滯未可觸歸來何事嘗艱難樓中
吹角莫煙起出城騎火催君還

李邦直見邀終日對卧南城亭上二首

一徑坡陀草木間孤亭勝絕俯川原青天圖書四山
合白晝雷霆百步喧煙柳蕭條漁市遠汀洲蒼葦白
鷗翻客舟何事來忽草逆上波濤吐復吞

東來無事得遨遊奉使清閑亦自由撥棄簿書成一
飽番連語失千憂舊書半卷都如夢清簟橫眠似
欲秋聞諗歸朝今不欠塵埃還有此亭不

次韻邦直見答二首

真能一醉逃煩暑定勝三杯禦臘寒自有詩書供奉
日莫將絲竹亂風灘舞雩何處歸春莫叩角誰人怨
夜漫聞道丹砂近有術鎚銖稱火共君看

五斗塵勞尚足留閉門聊欲治幽憂羞爲毛遂囊中
穎未許朱雲地下遊無事會須成好飲思歸時亦賦
登樓羨君幕府如僧舍日向城隅看浴鷗

再次前四首韻

城頭棟宇恰三間楚望淒涼弔屈原雨洗山川百里
淨風吹語笑一城喧鄉書莫問經時絕歲事初驚片
葉翻南近清淮鱸鱖好釣筒時問有替吞

葉翻南近清淮鱸蟹好釣筒時問有菴君
謬將踈野託交遊平日論心亦有由科第聯翩叨舊
契利名踈闊少新憂清談已覺忘朱夏濁酒先防虐
素秋多病無聊唯有睡頻頻詩句未嫌不

野鶴應疑鳧鴈苦夏蟲未慣雪霜寒隱居顏氏終安
巷垂釣巖生自有灘破宅不歸塵可掃下田初種水
應漫退耕尚作悠悠語拙宦猶須步步看

欲作彭城數月留溪山勸我暫忘憂城頭準擬中秋
望臺上遷延九日遊嵐氣雨餘侵近郭江聲風送隱
危樓汀洲聚散知誰恠且學漂浮水上鷗

雨中陪子瞻同顏復長官送梁燾學士舟行

歸汶上

客從南方來信宿北方去手棹木蘭舟不顧長江雨
江昏氣陰黑雨落無朝暮肅肅赴波濤濛濛暗洲渚
微涼入窓闔斜吹濕蕉苧漂灑正紛紜談笑方容與
不知江路長但覺青山驚客去浩難追落日平西浦
東遊本無事愛此山河右周旋樽俎歡邂逅英豪聚
茲遊有遺趣此樂恐宜屢賤仕迫程期遷延防譴怒
秋風日已至輕舸行當具陰森古城曲蒼莽交流處
懸知別時念將行重回顧非緣一寸祿應作二年住

同子瞻泛汴泗得酒二詠

江湖性終在平地難久居淶水雨新漲扁舟意自如
河身縈死素洪口轉千車願言棄城市長竿夜獨漁

又

懶思久廢詩病腸不堪酒強顏水石間濫蹟賓主後
不知白浪翻但恠青山走莫隨使車塵豈畏巖城斗

明日復賦

放舟城西南却向東南泊朝來雨新霽白水浸城脚
古汴多流苴清泗亦浮沫平吞百澗暴滅盡三洪惡
遊人不勝喜水族知當樂舟行野鳧亂網盡脩鱗躍
香醪溜白蟻鱠縷填花萼人生適意少一醉皆應諾

同遊非偶然後會未前約簡書尚見寬行日爲公却
贈吳子野道人

食無酒肉腹亦飽室無妻妾身自好世間深重未肯
回達士清虛輒先了眼看鴻鵠薄雲漢長笑駑駘安
棧阜腹中夜氣何郁郁海底朝陽常杲杲一塵不顧
舊出深萬里來看故人老空車獨載王陽橐遠遊屢
食安期棗東州相逢真邂逅南國思歸又驚矯道成
若見王方平背癢莫念麻姑爪

李邦直出巡青州余不久將赴南都比歸不
及見矣作詩贈別

東道初來託故人南樓頻上泗河濬江山尚有留人
意樽俎寧當厭客貧餽我及秋行不久問君觸熱去
何因西歸涼冷霜風後濁酒清詩誰與親

司馬君實端明獨樂園

子嗟丘中親蒔麻邵平東陵親種瓜公今歸去事農
圃亦種洛陽千本花脩篁遶屋韻寒玉平泉入畦紆
卧虵錦屏奇種斲巖竇嵩高靈藥移萌芽城中二月
花事起肩輿漏入公侯家淺紅深紫相媚好重樓多
葉爭矜誇一枝盈尺不論價十千斗酒那容賒歸來
曳履苔逕滑醉倒閉門春日斜車輪班班走金轂印

續坡集 卷七
綬若若趨朝衙世人不顧病楊綰弟子獨有窮侯苗
終年著書未會厭一身獨樂誰復加宦遊嗟我久塵
土流轉海角如浮槎歸心每欲自投劾孺子漸長能
次車過門有意奉談笑幅巾懷刺無袍鞞

送顏復赴闕

筆瓢未改安貧性冕繹猶傳直道餘不見失官愁感
感但聞高卧起徐徐居中舊厭軍容講補外仍遭城
旦書此去將身置何許秋風未免憶鱸魚

王詵都尉寶繪堂詞

侯家玉食繡羅裳彈絲吹竹喧洞房哀歌妙舞奉清

侯家玉食繡羅裳
彈絲吹竹喧洞房
哀歌妙舞奉清

觴白日一醉萬事忘
百年將種存慨慷
西取庸蜀踐戎羌
戰袍賜錦盤
鵬章寶刀玉玦餘
風霜天孫渡河
夜未央功臣子孫白
且長朱門甲第臨
康莊生長介胄
產膏梁四方賓客坐
華堂何用為樂非
笙簧錦囊犀軸堆象
林竿義連幅
翻雲光手披橫
素風飛榜長林巨石
插雕梁清江白浪吹
粉牆異花沒骨朝露香

徐熙畫花落筆縱橫其子嗣變格以五色筆就小兒筆迹謂之沒骨蜀趙昌益用此法耳
鵝禽猛

獸舌張騰踏
騾馱聯驢噴
振風雨馳平岡
前數顧陸後吳王
老成雖喪存典
常坐客不識視
茫洋騏驎飛煙
郁芬芳卷舒終
日未用忙遊意
淡泊心清涼

屬目俊麗神激昂君不見伯孫孟孫俱猖狂于時與
事神弗臧

逍遙堂會宿二首并引

轍幼從子瞻讀書未嘗一日相舍旣壯將遊宦四方
讀書蘇州詩至安知風雨夜復此對床眠惻然感之
乃相約早退爲閑居之樂故子瞻始爲鳳翔幕府晉
詩爲別曰夜雨何時聽蕭瑟其後子瞻通守餘杭復
移守膠西而轍滯留於淮陽濟南不見者七年熙寧
十年二月始復會於澶濮之間相從來徐留百餘日
時宿於逍遙堂追感前約爲二小詩記之

也。遙堂後千尋木長送中霄風雨聲誤喜對床尋舊
約不知漂泊在彭城

秋來東閣涼如水客去山公醉似泥困卧北窗呼不
起風吹松竹雨淒淒

過張天驥山人郊居

南山莫將歸下訪張夫子黍稷滿秋風蓬麻翳隣里
君年二十八三十有歸意躬耕奉慈親未覺鉏耰鄙
讀書北窗竹釀酒南園水松菊半成陰日有幽居喜
客來時借問問子何年起新求西溪石更築菰堂址
但令三歲熟此計行亦遂堂成不出門清名滿朝市

魏佛狸歌

魏佛狸飲泗水黃金甲身鐵馬箠睥睨山川俯畫地
畫作西方佛名字卷舒三軍如使指奔馳萬夫鑿山
莆雲中孤月妙無比青蓮湛然俛下視擊鉦卷旆抽
行營北徐府中軍吏喜度僧築室依雲煙俯窺城郭
衆山底興亡一瞬五百年細草荒榛沒孤壘

雜興二首

陋巷丈夫病且貧懸鶉百結聊庇身蠕蠕大蟲長孫
子敗絀弊絮開陽春故襦寬博裹肩胛出沒逡巡初
莫畏一朝換酒入隣家顧視腰間猶犢鼻入縫循腰

還自足肌膚轉近尤爲福咋皮吮血無已時應待渠
家具湯沐

朱輪華蓋事遠遊厩無良馬乘疲牛青絲玉勒金絡
頭任重道遠旁人憂平也往來歷山丘騰阮投淖摧
轅軻已蹶復起行未休青芻黃梁爲君羞長路漫漫
經九州場有白駒胡不收飽食玉山飲河流朝秣幽
冀莫炎陬奔雲掣電不少留僕夫顧之心懷愁王良
不生誰與謀哀哉駿骨千金酬

贈致仕王景純寺丞

瀟山隱君七十四緝瞳綠髮初謝事腹中靈液變丹

砂江上幽居連福地彭公爲我住三日明月滿船同
一醉丹書細字口傳訣顧氏沉迷真棄耳年來四十
髮蒼蒼始欲求方效憔悴它年若訪灤山居慎勿洩
人改名字

初發彭城有感寄子瞻

秋晴卷流潦古汴日向乾扁舟久不解畏此行路難
此行亦不遠世故方如山我特一寸刃巉絕何由刊
念昔各年少松筠閩南軒閉門書史叢開口治亂根
文章風雲起曾膽勃解寬不知身安危俛仰道所存
橫渡一傾潰萬類爭崩奔孔融漢儒者本自輕曹瞞

誓將貧賤身一悟世俗昏豈意十年內日夜增濤潤
生民竟顛顛遊宦豈復安水深火益熱人知蹈憂患
甄豐且自叛劉歆苟盤桓而况我與兄飽食顧依然
上願天地仁止此禍亂源歲月一徂逝尚能反丘園

次韻子瞻見寄

袞袞河渭濁皎皎江漢清源流旣自異美惡終未明
嗟我頑鈍質乃與公並生出處每自託謳吟輒告賡
譬如病足馬共此千里程勝負坐已決豈待終一評
憶公年少時濯濯吐新萌堅姿映松栢直節凌榛荆
學成志益厲秋霜落春榮澹然養浩氣脫屣遺齊卿

百鍊竟不變三年終未鳴區區兩郡守籍籍四海聲
年來效瘖默世事慵譏評不見室家好况如揖重成
別離長塵垢歲月何崢嶸彭門偶會合白髮互相驚
受教恐不足吐論那復爭疾雷發聾聵清月照昏盲
篋愛未忍棄浪云舊齊名更請問郭許題品要當精

子瞻杭州見寄詩云
先生別駕舊齊名

將至南京寄王鞏

河牽一線流不斷兩散千絲卷却來煙際橫
柁村十里船中倦客酒三盃老年轉覺脾
嫌濕世路早令心似灰
賴有故人憐寂寞繫舟待我久徘徊

次韻王鞏見贈

南都逢故人共此一樽渌初來柳吹絮再見風脫木
我老歎意微頭垂腰昔曲羨子方少年健馬走平陸
狂歌手自拊醉倒頭相觸人生比一瞬世網張方目
但取食場雞豈掛雲飛鵠彭城又相遲官舍虛東屋
重陽試新釀謂子當不速胡爲聽婦言婉變自相逐
我舟得愁霖牽挽脫坑谷風霜作初寒病體欲生粟
解子腰下龜換酒不須贖照碧凝清光相將飲萸菊

送交代劉莘老

建元一二間多士四方至翩翩下鴻鵠一一抱經緯

功名更唯諾爵祿相饋遺縱橫聖貧業磊落君臣意
慷慨魯諸生雍容古君子扶搖雲漢上睥睨千萬里
入臺霜凜然不肯下詞氣失足青冥中投命江湖裏
區區晉都客矯矯當世士空使徃來人歎息更相指
我生本羈紲無食強爲吏褰裳避塗泥十載守顛顛
逝將老茅屋何幸繼前軌念君今尚然顧我真當爾
百年同一夢窮達浪憂喜有酒慰離愁貧賤非君耻

次韻王鞏九日同送劉莘老

頭上黃花記別時樽中詠酒慰清悲畫船牽挽故不
發紅粉晉連未遽離小雨無端添別淚遙山有意助

顰眉十分酒盞從教勸堆案文書自此辭

次韻王鞏欲往徐州見子瞻以事不成行

河水南來遶郡城銀刀空復銜衙兵交情舊許雞爲
具客信那知鷓鴣鳴爲婦遲留應未怪還家倉卒定
何營不關秦女箏聲怨自趨招賢浚上旌

宣徽使張安道生日

從公淮陽今幾年憶持壽傘當公前祝公齒髮老復
少歲歲不改冰霜顏掃除四海一清淨整頓萬物俱
安全今年見公商丘側奉祠太一真仙官身安氣定
色如玉脫遺世俗心浩然幽居屢過赤松子長夜親

種卅砂田此中自有不變地歲閱生日如等閑門前
賀客任填委世上多故湏陶甄秋風坐見蒲柳盡歲
晏惟有松栢堅斯人未安公未用使公難老應由天

章氏郡君挽詞

子厚母

馮唐垂老郎潛後李白風流罷直餘解組同歸榮故
國剖符仍得奉安輿家聲未替三公舊葬客應傾數
郡車德映閨門人莫見埋文子細列幽墟

聞王鞏還京會客劇飲戲贈

聞君歸去便招呼笑語不知清夜徂結束佳人試銀
甲留連狂客惱金吾燭花零落玉山倒詩筆欹斜翠

袖扶暫醉何年依錦瑟東齋還復卧氍毹

次韻王鞏遊北禪

蕭蕭黃葉下城頭頓作野田風日秋粗有樽壘隨處
好甃無敲扑便能幽人稀野鳥應同樂水涸遊魚似
欲愁客去知君歡未已遶城攜手更遲留

次韻王鞏懷劉莘老

兩都來徃太頻頻真是人間自在人十載讀書同白
屋千金爲客買朱唇結交京邑傾心肺寓思禪宗離
垢塵爲問西歸天祿客何時同看洛川神

飲餞王鞏

送君不辦沽斗酒撥醅浮蟻知君有問君取酒持勸
君未知客主定何人府中杯棬強我富案上首著知
君真空厨赤脚不敢出大堤花艷聊相親愛君年少
心樂易到處逢人便成醉醉書大軸作歌詩頃刻揮
毫千萬字老夫識君年最深年來多病苦侵凌賦詩
飲酒皆非敵危坐看君浮太白

送王鞏兼簡都尉主詵

可憐杜老貧無食杖藜曉入春泥濕諸家厭客頻惱
人徃徃閉門不得入我今貧與此老同交遊冷落誰
相容幸君在此足遊衍終日騎馬西復東送君仍令

君置酒如此貧交世安有君歸速語王武子因

君置酒如此貧交世安有君歸速語王武子因君回
船置十斗

呂希道少卿松局圖

溪回山石間蒼松立四五水深不可涉上有橫橋渡
溪外無孑人磐石平可住縱橫遠山出隱見雲日莫
下有四老人對局不回顧石泉雜風松入耳如暴雨
不關人世喧自得山中趣何人昔相遇圖畫入紈素
塵埃依古壁求日奉樽俎隱居畏人知好事竟相誤
我來再三嘆空有飛鴻慕逝將從之遊不惜爛樵斧

寄孔武仲

濟南舊遊中好學惟君耳君居面南麓洶湧岡巒起
我來輒解帶簷下炙背睡煎茶食梨栗看君誦書史
君歸苦倉卒窻戶日摧毀遷居就清曠改築富前址
開畦得遺植逸壁見題字雲山顧依然簿領輒隨至
思君猶未忘滿秩行自棄爾來鉅野溢流潦壓城壘
池塘漫不知亭榭日傾弛官吏困堤障麻鞋汗泥滓
別來能幾何陵谷旣遷徙它日重相逢衰顏應不記

孔君亮郎中新葺闕里西園棄官而歸

宦情牢落苦思歸君側無人留子思手種松筠須灌
漑親修寢廟憶丞祠定應此去添桃李還使舊塋無

澆規修竊廟憶丞祠定應此去添桃李還使舊堽無
棘茨他日東遊訪遺烈因公導我謁先師

寄濟南守李公擇

岱陰皆平田濟南附山麓山窮水泉見發越遍溪谷
分流透塗巷暖氣烝草木下田滿粳稻秋成比禾菽
池塘浸餘潤菱茨亦云足辭家四千里恃此慰窮獨
公從吳興來茗嘗猶在目應恐齊魯間長被塵土辱
不知西垣下滉漾千畝淥仰見鷗鷺俯視龜魚浴
初來厭磬鼓稍久捐鞭扑清詩調嘉賓夜話繼華燭
飛化暮雪深浮蟻糟床熟相對各忘歸西來自嫌速
人生每多故樂事難再卜鉅野一汗漫河濟相騰蹙

流沙翳桑土蛟蜃處人屋農畝分沉埋城門遭板築
傷心念漂蕩引手救顛覆勞苦空自知吁嗟欲誰告
遙知舊遊處落落空遺躅平生讀書史物理粗能矚
歸耕久不遂終作羝羊觸賦詩心自驚請公再三讀

雪中會飲李倅鈞東軒三絕

衆客喧譁發酒狂逡巡密雪自飛揚莫嫌作賦無枚
叟且喜延賓有孝王

雪花如掌墮堦除劇飲時看卧酒壺半夜瓊瑤深沒
膝欲歸迷路肯無

竹裏才庵雪覆簷爐香藹藹著蒲簾欲求初祖安心

竹裏才庵雪覆簷
爐香藹藹著蒲簾
欲求初祖安心
法笑我醺然已半酣

張恕寺丞益齋

人生不讀書空洞一無有
羨君常齋居散帙滿前後
開編試尋繹閱歲行自富
從橫畫圖出次第宮商奏
汪洋畜江河恥莽包林藪
興亡數千歲絡繹皆在口
顧念今所知頗覺前日陋
我家亦多書早歲嘗竊叩
晨耕掛牛角夜燭借鄰牖
經年謝賓客飢坐失昏晝
堆胷稍蟠屈落筆逢左右
樂如聽鈞天醉劇飲醇酎
自從厭蓬葦誤逐功名誘
初心一漂蕩舊學皆榛莠
失足難遽回撫卷長自詬
幸君無事年謂可終身守

春耕不厭深秋穰當自受金玉或爲災詩書豈相負
除夜會飲南湖懷王鞏

歲晚城東故相家夜聽簾外落瓊花醉眠東閣銀缸
暗起祝中庭風竹斜魯酒近來無柰薄秦箏別後苦
聞誇思君勸對空陂飲歸去紛如日莫鷗

次韻張恕戲王鞏

二君豪俊並侯家歌舞爭妍不受誇聞道肌膚如素
練更堪鬢髮似飛鷗

送轉運判官李公恕還朝

我行未厭山東遠昔遊歷下今梁苑官如雞肋浪奔

馳政似牛毛常黽勉在公四年時使節安行

我行未厭山東遠昔遊歷下今梁苑官如雞肋浪奔

馳政似牛毛常黽勉幸公四年持使節按行千里長
相見鷹掣秋田伏兎驚驥馳平野疲牛勸似憐多病
與時違未怪兩州從事懶除書奪去一何速歸袖翩
然不容挽黃河東注竭崑崙鉅野橫流入州縣民事
蕭條委濁流扁舟出入隨奔電回首應懷微禹憂歸
朝且喜寧親便公知齊楚即爲魚勸築宣防不冝緩

浙江

水

樂城集第七

浙江圖書館

樂城集卷八

樂城集卷八

詩六十八首

寄范文景仁

京城冠蓋如雲屯日中奔走爭市門弊裘瘦馬不知
路獨向城西尋隱君隱君白髮養浩氣高論驚世門
無賓欣然為我解東閣明窓淨几舒華茵春天雪花
大如手九衢斷絕愁四隣平明熟睡呼不覺清詩詠
酒時相親我兄東來自東武走馬出見黃河濱及門
却遣不得入回顧欲去行無人東園桃李正欲發開
門借與停車輪青天露坐列觴豆落花飛絮飄衣巾

續坡集 元卷八
留連四月聽鶻馱扁舟一去浮奔渾人生聚散未可
料世路險惡終勞神交遊畏避恐坐累言詞欲吐聊
復吞安得如公百無忌百間廣厦安貧身

次韻王鞏上元見寄三首

棄擲良宵君謂何清天流月鑑初磨莫辭病眼羞紅
燭且試春衫翦薄羅蓮豔參差明繡戶舞腰輕瘦颭
驚鬣少年微服天街闊何處相逢解佩珂

繁燈厭倦作閑遊行到僧居院院留月影隨人深有
意車音爭陌去如流酒消鑿落寧論斗魚照坵璃定
幾頭過眼繁華真一夢終宵寂寞未應愁

燈火熏天處處同暗遊應避百臺然

幾頭過眼繁華真一夢終宵寂寞未應愁
燈火熏天處處同暗遊應避栢臺驄高情自放喧聞
外勝事偏多淡泊中平日交遊徒夢想留都歌吹憶
年豐知君未有南來意歸去相從光與鴻

謝張安道惠馬

從事年來鬢似蓬破車僊僕衆人中作詩僅比窮張
籍得馬還從老晉公夜起趨朝非所事曉騎行樂定
誰同慣乘款段遊田里怯聽鬢駮兩耳風

張水部集
有謝裴晉
詩公惠馬

次韻子瞻贈梁交左藏

彭城欲往臺無檄初喜東西合爲一將軍走馬隨春

風精銳千人森尺籍口占嘉句驚衆坐手練強兵試
鳴鏑酒酣起舞花滿地醉倒不聽人扶出歸來相對
如夢寐虎踞能經苦岑寂黃樓方就可同遊飲盡官
厨三百石

寒食遊南湖三首

圖

書

春睡午方覺隔墻聞樂聲肩輿試扶病畫舫聽徐行
適性逢樽酒開懷挹友生遊人定相笑白髮近從橫
迭郭春水滿被堤新柳黃官池無禁約野艇得飛揚
浪泛歌聲遠花浮酒氣香晚風歸棹恣細雨濕紅粧
攜手臨池路時逢賣酒壚柳斜低繫纜草綠薦傾壺

波蕩春心起，風吹酒力無。
冠裳強包裹，半醉道誰扶。

觀大閱

承平郡國減兵中，唯有留都一萬人。
票姚將軍忍出塞，從橫幕府諱和親。
旌旗不動風將轉，曲部無聲馬亦馴。
八陣且留遺法在，未須親試革車塵。

送林子中安厚卿二學士奉使高麗二首

東夷從古慕中華，萬里梯航今一家。
夜靜雙星先渡海，風高八月自還槎。
魚龍定亦知忠信，象譯何勞較齒牙。
屈指歸來應日笑，手持玉帛賜天涯。

官是蓬萊海上仙，此行聊復看桑田。
鯨移鵬徙秋帆

健潮闊天低曉日鮮平地誰言無嶮岨仁人何處不
安全已將美酒盈船去多作新詩異域傳

送趙岬秘書還錢塘

世人何局促奔走鬢蒼蒼聞道餘杭守獨遊何有鄉
禪心朝吐月元氣夜生光清靜安罷瘵寬仁服暴強
聲名高一世風采見諸郎謁帝朱爲紱還家緜作裳
經過留畫舫談笑接清觴問訊顏依舊崢嶸歲自長
人生真幾許世未不堪嘗歸去聞詩罷求余却老方

馬上身賣芍藥戲贈張厚之二絕

春風欲盡無尋處盡向南園芍藥中過盡此花真盡

也此生應與此花同
春來便有南園約過盡春風約尚賒綠葉成陰花結
子便湏嚮客到君家

答見和二絕

花柳蕭條行已老聖賢布闊未嘗中
眼看芍藥紛紛盡賴有櫻桃顆顆同

惠編何用朝朝看新釀遠須處處賒
對事若能頌載酒不妨時復到楊家

送呂希道少卿知滁州

長惟名卿亦坐曹忽乘五馬列旌旄
才多莫厭官無

事郡小不妨名自高
庶子定應牽賦詠
醉翁聊復繼遊遨
試尋苦戰清流下
要識經綸帝業勞

次韻張恕春莫

祇言城市無佳處
亦有南湖幾度遊
好雨晴時三月盡
啼鶯到後百花休
老猿好飲常連臂
野馬依人自絡頭
不肯低回池上醉
試看生滅水中漚

次韻傅宏推官義方亭

居近古城心自幽
羊瓢足用更何求
鸞飛旋趁春風出
龍卧終聞莫雨搜
科第聯翩收甲乙
鄉閭驚怪明因由
隱君淡泊無人識
長夏一衫冬一裘

次梁交之徐州

湖水清且深新荷半猶卷未見紅粧窈窕娘先排翠
羽參差扇水面風生人未知歌傾俯仰長先見岸上
遊人莫不歸清香入袖涼吹面投壺擊鞠綠楊陰共
盡清樽冷白飯坐中飛將忽先起輕衫出試彭門遠
百步洪西白浪翻戲馬臺南雲岫滿江山雄麗信宜
人風流孰似梁王苑

次韻王鞏寄見二首

日末官閑自在慵門前客到未曾通憐君避世都門
裏勸我忘憂酒盞中城下柳陰新過雨湖邊荷葉自

翻風早湏命駕追清賞大字新詩事事工

觸事如棋一一低昏然一睡更何知賈生流落南遷
後陶令衰遲歸去時去住由人真水母簞瓢粗足亦
山雌年來未省談堯舜一呷瓮踈豈足吹

池上輕冰暖却開迎春送臘仰銜杯君家有酒能無
事客醉連宵遣不迴詩就滴消盤上蠟信來飄盡嶺
頭梅尚丘冷坐君知否餅整應須有耻壘

次韻李達見贈

浙

大學群遊經最明青衫顛顛竟何成
齏鹽仍作當年味名譽飛蠅過耳聲

次韻秦觀秀才携李公擇書相訪

濟南三歲吾何求，史君後到消人憂。
君言有客輕公侯，扁舟相從古揚州。
致之匹馬恨無力，千里相望同異域。
誦詩空使四坐驚，隱居未易凡人測。
史君南歸無限情，鴻飛携書墮我庭。
此書兼置昔年客袖中，秀句淮山青。
老夫強顏依府縣，堆案文書本非願。
清談亶亶解人頤，安得坐右長相見。
狂客吾非賀季真，醉吟君似謫仙人。
末契長遭少年笑，白髮應慙傾蓋新。
都城酒貴誰當換，塵埃汙面非良筭。
歸來泗上苦思君，莫待黃花秋爛漫。

秦君與家兄子瞻約秋後再遊彭城

送龔鼎臣諫議移守青州二首

稷下諸公今幾人
三爲祭酒髮如銀
梁王宮殿歸留
鑰尚父山河屬
老臣沂水弦歌重
曾點菑川故舊識
平津過家定有金錢費
千里爭看衣錦身

面山負澗古諸侯
信美東方第一州
勝勢未容秦地
峻奇花僅比雒城優
新絲出盎冬裘具
貢棗登場歲
事休鈴閣虛閑官
釀熟應容將佐得
遨遊

送余京同年兄通判嵐州

矯矯吳越士
遠爲井代
行寒暄
雖云異慷慨
慰平生
我昔在濟南
君時事淄青
連年食羊炙
便欲忘尊羹

我昔在濟南君時事淄青連年食羊豕便欲忘蕪羨

問君棄鄉國何似弊徒輕丈夫事所志歸去無田耕
閑官少愧耻教子終餘齡定心養浩氣閉目收元精
此志我亦然偶與長者并會合不可期未易夸者評

河上莫歸過南湖二絕

西來白水滿南池走馬池邊日落時橋底荷花無限

思清香乞與路人知



淤田水淺客來遲解舫都門問幾時誰道兩京雞犬
接差除屈指未曾知

送提刑孫直少卿移湖北轉運

持節憂邦刑職業已自簡下車攝留都談笑事亦辦

開軒揖佳客退食事書卷爲政曾幾何清風自無限
官居歲月迫歸念湖湘遠依依東軒竹凜凜故人面
詔書遂公私使節許新換舊冶行當經家山企可見
官遊得鄉國勞苦顧猶願歸旆正滂洋行輒豈容緩

次韻劉涇見寄



天之蒼倉亦何有亦有雲漢爲之章人生混沌一氣
耳嘿嘿何用知肺腸孔公孟子巧言語剖瓢挿竹吹
笙簧含宮吐角千萬變坐令隱伏皆形相我生稟賦
本微薄氤氳方寸不自藏譬如蘭根在黃土春風驅
迫生繁香口占手寫豈得已此亦未免物所將方將

寂寞自收歛不受世俗斗尺量

寂寞自收歛不受世俗斗尺量既知仍作未能止紛
紜竟亦類彼莊煎烹心脾擢胃腎自令鬢髮驚秋霜
嗟子獨未知此病從橫自恃觜爪剛少年一見非俗
物鏘然脩竹鳴孤凰近來直欲扛九鼎令我畏見筆
力強提携童子從冠者揣摩五帝論三皇詩書近日
貴新說掃除舊學漫無光竊攘瞿曇剽李耳牽挽性
命推陰陽狂流袞袞去不返長夜漫漫未遽央詞鋒
俊發魯連子慚愧田巴稱老蒼是非得失子自了一
醉早醒余所望

城南訪張恕

事似焚絲撥不開秋隨脫華暗相催城南綠野宜幽
步水北紅塵漫作堆赤棗青瓜報豐熟黃雞白酒勸
徘徊此中真有醇風在一畝何年斲草萊

同李倅釣訪趙嗣恭留飲南園晚衙先歸

城南高樓出喬木下有方塘秋水足新霜未變草木
鮮晚日旋催梨棗熟兩荒松菊半榛莽風老菰蒲初
瑟縮門前大路多塵土日中過客無留轂開門却掃
如有待下馬升堂真不速勸我一振衣上黃臨風共
倒樽中渌肴蔬草草意不盡絲竹泠泠暗相屬琳宮
仙伯自閑暇幕府龕官苦煩促晚衙簿領當及期後

仙伯自閑暇幕府龕官苦煩促晚衙簿領當及期後

堂車轄要須漉令人更愧東宮師眷戀溪山棄華屋

次韻轉運使鮮于侁新堂月夜

長愛陶先生閑居棄官後床上卧看書門前自栽柳
低徊顧微祿畢竟誰挽袖索莫秋後蜂青熒曉天宿
惟將不繫舟託此春江溜尺書慰窮獨秀句驚枯朽
遙知新堂夜明月入杯酒千里共清光照我茅簷漏

送梁交供備知莫州

猛士當令守四方中原諸將近相望一樽度日空閑
暇千騎臨邊自激昂談笑定先降虜使詩書仍得靖
戎行君看宿將何承矩安用摧鋒百戰場

去年河上送君時我醉看君倒接籬一笑便成經歲
隔扁舟重到滿城知舊傳北海偏憐客新怪東方苦
愬飢應笑長安居不易空吟原上草離離

南湖清飲二首

館

翠箔紅窻映大堤遠來清飲歎參差盈盈積水東西
隔脉脉幽懷彼此知淥酒謾傳工破悶主人何敢怪
顰眉明朝看月雲開未試與詹家一問龜

坐客經年半已非喜君重到暫相依不嫌愛酒樽頻
倒只怕題詩紙屨飛耿耿幽懷誰與愬徐徐細酌天
應違從今更肯相過否幾誤風吹白版扉

次韻偶成

交情淡泊久爾新吏役縈纏日益紛香火社中真避
世簿書叢裏強論文樽壘正及明蟾夜舟楫來隨早
鴈羣世俗如君今有幾真將富貴等浮雲

中秋見月寄子瞻書

西風吹暑天益高明月耿耿分秋毫彭城閉門青障
合卧聽百步鳴飛濤使君携客登燕子月色着人冷
如水筵前不設鼓與鐘處處笛聲相應起浮雲卷盡
流金丸戲馬臺西山鬱蟠杯中淥酒一時盡衣上白
露三更寒扁舟明日浮古汴回首逡巡陵谷變河吞
巨野入長淮城沒黃流只三版明年築城城似山伐

木爲堤堤更堅黃樓未成河已退空有遺蹟令人看
城頭見月應更好河流深處今生草子孫幸免魚鱉
食歌舞聊寬使君老南都從事老更貧羞見青天月
照人飛鶴投籠不能出曾是彭城坐中客

次韻王鞏自詠

平生未省爲人忙貧賤安閑氣味長粗免趨時頭似
葆稍能忍事腹如囊簡書見迫身今老樽酒聞呼首
一昂欲挽天河聊自洗塵埃滿面鬢自黃

次韻王鞏同飲玉廷老度支家戲詠

白魚紫蟹早霜前有酒何須問聖賢上客遠來工緩

頰雙鬟爲出小垂肩新傳大曲皆精絕忽發狂言亦
可憐莫恠貧家少遠任自須先辦買花錢

送王鞏之徐州

遨遊公卿間結交非不足高秋遠行邁黃泥沒馬腹
問君胡爲爾笑指籬間菊故人彭城守又作中朝逐
詩書自娛戲樽俎當誰屬相望鶴頸引欲往龜頭縮
前期失不遂浪語頻遭督黃樓迺已就白酒行亦熱
登高暢遠情戲馬有前躅篇章雜笑語行草爛盈幅
歸來貯篋笥把玩比金玉吾兄別我久憂患欲誰告
孤告多風霆彈射畏顛覆白頭日益新歲寒喜君獨

紛紛衆草中，冉冉凌霜竹。恨我閉籠樊，無由託君轂。
次韻張恕九日寄子瞻

無限黃花簇，短籬濁醪蟹。正堪持坐曹，漫爾誇勤
瘁。割肉何妨請，詆欺世外罇。壘終日放俗間，簿領莫
相縻。茱萸插遍知人少，談笑須公一解頰。
王摩詰詩云：遙知兄

戲次前韻寄王鞏二首

弟登高處插遍
茱萸少一人

白馬貂裘錦罽籬，離觴瀲灩手親持。頭風欲待歌詞
愈，肺病甘從酒力欺。不分歸心太忽草，更憐人事苦
縈縻。相逢借問空長歡，便捨靈龜看朶頰。

細竹寒花出短籬故山耕耒手曾持官遊蹇比鳧鷖
集歸計長遭句僂欺歌舞夢回空歷記交朋飛去自
難縻悠悠後會須經歲冉冉霜髭漸滿頤

贈杭僧道潛

月中依松鶴露下抱葉蟬賦形已孤絜發響仍清圓
潛師本江海浪迹遊市廛髭長不能翦衲壞聊復穿
瘦骨見圖畫禪心離攀緣出言可人意一一皆自然
問師藏何深不與世俗傳舊識髯學士復從璉耆年
塵埃旣脫落文彩自精鮮落落杜中人如我亦有旃
柰何一相見撫卷坐長歎歸去勿復言山林信多賢

張安道生日二首

椿年七十二迴新蓬矢桑弧記此晨養就丹砂無上
藥已超諸數自由身中年道路趨直境外物功名委
世人今夜空庭香火罷定應星斗識天真

十載從公鬢以蓬羨公英氣老猶充生時別得星辰
力晚歲仍加鼎竈功世事不堪開眼者勞生漸恐轉
頭空問公試覓刀圭藥歲歲稱觴此日中

李鈞壽花堂

尚書郎晉陵李公秉性直而和少從道士得養生
法未五十去嗜欲老而不衰爲南都通守其西堂

續集 卷八
北牖下池生菖蒲開花三四芬馥可愛以書占之
曰此壽考之祥也因名其堂曰壽花而余為作詩
記之

石上菖蒲十二節仙人服之好顏色根如蟠龍不可
得葉中開花誰復識夫子自少讀道書斗未五十言
欲除河流通天非轆轤下入金鼎融為珠一醉斗酒
心自如鬼物窺覘驚睚眦菖蒲花開壽之符白髮纒
黑顏如朱它年三菖訪君廬拍手笑我言不虛

次韻子瞻題張公詩卷後

世俗其枉尺所願求直尋不知一律訛大樂無完音

見利心自搖，慮害安得深。至人不妄言，淡如朱絲琴。
悲傷感舊俗，不類騷人淫。又非避世翁，閔嘿遽陽瘖。
嘒嘒晨雞鳴，豈問晴與陰。世人積寸木，坐使高樓岑。
晚歲卧草廬，誰聽梁甫吟。它年楚倚相，儻能記悁悁。
次韻廣州陳繹諫議和陳薦宋敏求二龍圖

二首

曾送飛鴻白日翔，未應中路許還鄉。鶴歸仍有當年
伴，松老知經幾度霜。城下寶坊聊寄榻，朝中振鷺舊
成行。相逢出處何須問，五嶺清平十月涼。
右和彦升
寓定力
琳宮清淨思悠悠，哉類似山林未肯迴。五日趨朝真自

適一樽無事得頻開
董狐執筆何時易
馬援征蠻未
遽來奔走安閑誰是定
都門攜手一徘徊

右和彦升
赴上禮泉

次韻王廷老寄子瞻

歌吹新成百尺臺
青山臨水巧崔嵬
佳人解作回文
語狂客能鳴摻鼓
雷擷菊傳杯醒復醉
採菱盪漿去
仍回新年閑欲相從
飲春酒還須剩作醅

次韻頓起考試徐沂舉人見寄二首

齊楚諸生儼驩紳
人人願得出君門
銜枚勇銳驚初
合棄甲須臾許許奔
細讀未辭燈損目
又畱終厭棘
為藩定應親刈翹
中楚把卷喧呼半夜言

為海定應親刈翹中楚把卷喧呼半後言
老年從事忝南京海內交遊尚記名
法見廣場心力破厭看細字眼花生
新科未暇通三尺舊曲性知有
六莖空憶倚樓秋雨霽與君看
遍洛陽城前奉與頓同貳西京

人

送李鈞郎中

君家毗陵本江南雖為浙西終未甘
風流秀發自不減氣質渾樸猶中含
敲榜滿前但長嘯簿書堆案常清談
湖中生往載盡舫竹下小小開茅庵
歌吟髣髴類騷雅導引委曲師彭聃
新茶潑乳睡方覺淥酒傾水醒復酣
一朝揮手去不顧使我把袂心難堪
扁舟

水涸費牽挽瘦馬雪凍憂朝參一官來往似秋鷺薄
俸包裹如春蠶東南乞麾尚可得白首誰念家無甌

送文與可知湖州

館

連持梁洋印又作溪山主深知爲郡樂但畏買茶苦
來歸天祿閣坐守登聞鼓九重未明入百辟盈庭舞
城用獨歸卧心事誰當語舊聞吳興勝試問天公取
家貧藁袞盡歲莫輕帆舉茗溪淨多石棄領瘦無土
湖藕雪冰絲山茶潑牛乳香粳飯玉粒鮮鯽鱠紅縷
宮開水精絜人寄畫屏住俗吏自難堪詩翁正當與
從來思清絕况乃病新愈團團時後丹曷曷曾中素

高卧鎮夸俗清談靜煩訴應笑杜紫微湖亭但狂顧
嘉雪呈鮮于子駿三首

發函寬大一封書卧閣雍容三日餘旋見雪花夜
落未應天意與人踈瓦乾浙浙初鳴霰畦潤漸漸想
没鉏高會梁園遺勝在早知詞賦似相如

春秋無麥自當書況復秋田水潦餘一雪端來救焦
槁千箱乞與等親踈消殘温癘非藥蝕遍陳根不
用鉏猶恐遠村霑未足試呼農圃問何如

蠶紙鋪庭幾誤書楊花糝逕未春餘積隨平野分高
下舞信微風作密踈解使遊人似媧射似令飛鳥變

春鉏共驚天巧無能學造物無心本亦如

次韻文務光秀才遊南湖

料峭東風助臘寒
汀滢白酒借衰顏
滿床書卷何曾讀
數步湖光自不閑
夢想綠楊垂後浦
眼看紅杏照荆山
新春漸好君歸速
不見遊人暮不還

荆山
前小山
日杏山

子瞻惠雙刀

彭城一雙刀黃金錯刀鏤脊如雙引繩色如青琅玕
開匣飛電落入手清霜寒引之置膝上凜然愁肺肝
我衰氣力微覽鏡毛髮斑誓將斬鯨鯢靜此滄海瀾
又欲戮犀兕末息行路難有志竟不從撫刀但長歎

投刀決如霰北斗空闌干歸來則蓬蒿且日直步

投刀淚如霰北斗空闌干歸來刈蓬蒿鋤田植芳蘭
惜刀不忍用用亦非所便棄置塵土中坐使鋒刃利
床頭夜生光知有蛟龍蟠慚君贈我意時取一磨看
畱守與賓客會開元龍興寺觀燈余有故不
預中夜登南城而望

燈引雙旌萬點紅傾城車馬在城東使君行樂人人
共勸客安眠夜夜同夢想笑談傾滿坐卧聞歌筵逐
春風三更試上南樓看無限繁星十里中

樂城集卷第八

浙 江 圖 書 館

浙江圖書館善本



浙江圖書館

浙江圖書館善本

甲 登記號：031266

一九 年 月 日



浙江圖書館

